

քաղաքներու մէջ տեղը. մօտ է սուրբ տեղերուն և հաճելի աւան-
ներուն: Վաճառականութիւնը հոն ծաղկած է, և շուկաները առաջ-
նակարգ են: Գեղակերտ մզկիթներ չկան հոն, բացի մէկէն: Հացը
լաւ է և ճերմակ. ուրիշ տեղերու նայելով՝ տեղւոյն հողը շատ ար-
գաւանդ է, և պտուղներն ալ հիւթեղ: Այս մայրաքաղաքը կը
գտնուի պտղաւէտ դաշտերու, պարսպապատ քաղաքներու մէջ-
տեղը: Ան ունի հոյակապ հիւրանոցներ և հաճելի բաղնիքներ,
ընտիր սննդեղէններ եւ զանազան շաքարեղէններ, ընդարձակ
տուններ, գեղեցիկ մզկիթներ և լայնարձակ պողոտաներ: Իբր մայ-
րաքաղաք՝ ան ունի շատ մը առաւելութիւններ: Շինուած է
դաշտի մը վրայ և մօտ է թէ՛ լեռներուն և թէ՛ ծովուն: Հոն
կ'աճին թէ՛ թզենիներ և թէ՛ արմաւենիներ. իր դաշտերը ոռո-
գումի պէտք չունին, և ի բնէ պտղաւէտ են և հարուստ: Այս
առաւելութիւններուն հակառակ Ռեմլէն ձմեռը ցեխոտ է և ա-
մառն ալ աւաղի փոշիով լեցուն. հոն վազուն ջուր չկայ, ոչ ալ
կանաչութիւն. հողը խոնաւութիւն չունի, և ոչ ալ ձիւն կու
գայ: Զրհօրները խոր են և աղի. անձրեի ջուրը կը հաւաքուի
փակ ջրամբարներուն մէջ, — այնպէս որ աղքատը ծարաւ կը
մնայ և օտարականները ի զուր ջուր կը փնտռեն: Քաղաքը մէկ
քառակուսի մղոն տեղ գրաւած է: Տուները շինուած են յղկուած
գեղեցիկ քարերով: Իր դուռներն են Զինուորաց Զրհօրին դուռը
(Տարսը Պիր ել Ասֆար), Աննապահ մզկիթին դուռը, Երուսաղէմի
դուռը, Պիլահի դուռը, Լիւզի դուռը (Տարսը Լիւզ), Եաֆայի
դուռը (Տարսը Եաֆա), Եգիպտոսի դուռը (Տարսը Մըսր) և Տա-
ճունի դուռը. Ռեմլէի մօտ է Տաճուն քաղաքը իր մզկիթով:
Հոն կը բնակին առաւելապէս Սամարացիները:

Ռեմլէի գլխաւոր մզկիթը շուկային մէջ է. և աւելի գեղե-
ցիկ է և սիրուն քան Դամասկոսինը: Ան կը կոչուի էլ Ապիլլաս
(Ապիտակ Մզկիթ), և հոն կը գտնուի գեղեցիկ միհրապ մը եւ
անոր բեմը գեղատեսիլ է Երուսաղէմինէն յետոյ. մինարէն
չինած է Պալիֆա Հիւշամ Իպն Ապտ էլ Մէլէք: Հօրեղբորմէս
լսած եմ թէ երբ այս Պալիֆան մինարէն կը շինէր, տեղեկու-
թիւն առաւ թէ քրիստոնեաները այս ժամանակ մարմարէ սիւ-
նիք ունենալով՝ թաղած էին զանոնք աւաղի տակ և պատրաս-
տած էին Պալիանի եկեղեցիին համար: Նոյն տառն Հիւշամ խալի-
ֆան կ'աղղարարէ քրիստոնէից թէ՛ եթէ ցոյց չտան պահուած